

欽定石渠寶笈三編

欽定石渠寶笈三編

圓明園奉三無私藏

皇上御筆

書明詩

辛酉一冊

書唐詩

辛酉一冊

書禹貢洪範二篇

辛酉一冊

書唐人菊花詩

辛酉一冊

繼聲辰告

壬戌一冊

幽風時序歌

丁卯一冊

生春生夏生秋生冬詩

壬申一冊

本朝臣工書畫

成親王書

御製倣急詩

一冊

劉權之畫泰運宣韶

一冊

董誥畫十兩徵祥

一冊

董誥畫蓬壺集勝

一冊

董誥畫履端紀麗

一冊

戴衢亨畫臘鼓八景

一冊

戴衢亨畫春燈八景

一冊

阮元書

御製耕織圖詩并緯絲圖

二冊

黃鉞書

御製敬詣靜明園

龍神廟謝雨仍用前韻詩

一冊

黃鉞書

御製額勒登保德楞泰奏報三省底定詩一卷

黃鉞書

皇次子等恭和

御製消夏八詠元韻一冊

黃鉞畫春臺熙皞一冊

馮寧畫撫序延清一冊

院畫天閑八駿此二件院畫未題姓名

院畫馬一冊

[illegible]

御書明詩 一冊

本幅金粟箋本摺裝四幅皆縱五寸三分橫五寸一分

御筆楷書並識

一冬晴明人不厭臘月雪飛尤所喜從古農
占重三白來年有秋預可擬昨夜長風廣莫
來號空捲地初停雷斯須漫漫撒玉屑千樹
萬樹梅花開大地平鋪皆一色光輝未數瓊

瑤白四山蒼翠不可尋但見凌空聳銀壁憑
高四顧真奇觀日上扶桑朝不寒昔人勞農
享臘惟此時更說來年豐有期村村腰鼓聚
宴飲庶幾時平今見之嗟予菲德臨九五變
理功能寄丞輔舉觴相樂拜天庥永念皇天
與聖祖

右明宣宗喜雪歌

紫宸飛雪曉徘徊層閣重門雪照開九衢晶

耀浮埃盡千品差池贊帛來何處田中非種
玉誰家院裏不生梅埋雲翳景無窮已因風
落地吹還起先過翡翠寶房中轉入鴛鴦金
殿裏美人含笑出聯翩艷逸輕相關容止羅
衣點著渾是花玉手團來半成水奕奕紛紛
何所如頓憶陽園二月初羞同班妾高秋扇
欲照明王一夜書姑射山中符聖壽夫容闕
下降仙車願隨睿澤流無限長報年豐貴有

餘

右劉庭琦奉和瑞雪篇 嘉慶辛酉正月上庚

日齋宮御筆鈐寶二嘉慶

鑒藏寶璽寶笈三編石渠寶笈所藏嘉慶御筆所
寶惟賢

御書唐詩一冊

本幅金粟牋本摺裝四幅皆縱五寸三分橫五寸一分

御筆楷書並識

正日臨朝唐太宗條風開獻節灰律動初陽
百蠻奉遐賁萬國朝未央雖無舜禹跡章服
天地康車軌同八表書文混四方赫赫儼冠
蓋紛綸盛服章羽旄飛馳道鐘鼓震岩廊組

練輝霞色霜戟耀朝光晨宵懷至理終愧撫
遐荒 奉和正月臨朝應詔魏徵百靈侍軒
后萬國會塗山豈如今睿哲邁古獨光前聲
教溢四海朝宗引百川鏘洋鳴玉珮灼爍耀
金蟬淑景輝雕輦高旌揚翠烟庭實超王會
廣樂盛鈞天既欣東日戶復詠南風篇願奉
光華慶從斯萬億年 早朝韋元旦震維芳
月季宸極衆星尊佩玉朝三陛鳴珂度九門

挈壺分早漏，伏檻耀初暎。北倚蒼龍闕，西臨
紫鳳垣。詞庭草欲奏，溫室樹無言。解翰空為
忝，長懷聖主恩。春日獻聖壽，無疆揚巨源。
代是文明晝，春當燕喜時。爐烟添柳重，宮漏
出花遲。漢典方寬律，周官正採詩。碧霄傳鳳
吹，紅日在龍旗。造化膺神契，陽和沃聖慈。每
因隨百獸，率舞奉丹墀。

辛酉孟春月上澣，繼德堂御筆鈐寶二嘉慶

鑒藏寶璽寶笈三編石渠寶笈所藏嘉慶御筆所
寶惟賢

御書禹貢洪範二篇 一冊

本幅素綾本，摺裝二十九幅，皆縱三寸五分，橫五寸二分。

御筆楷書禹貢洪範

經文不錄

嘉慶辛酉中秋日，御筆鈐寶二會，心不遠德，充符。

朱珪恭跋。

臣謹案書序禹別九州，隨山濬川，任土作貢。

武王勝殷以箕子歸作洪範一紀禹治水之績作貢賦之則一述禹受洪範九疇敘彛倫以為民極所以平地成天本心出治萬世之大法也

皇上熟讀而手書之仰見

聖人之用心通乎天人而切於政本者也臣惟禹貢定貢賦以三壤奠山川於四極而彙之曰

祇台德先不距朕行萬幾豈不密於君心乎
舜之稱禹曰克勤於邦克儉於家豈非以恭
儉為底慎足民之要歟孔子贊禹曰吾無間
然矣非飲食而致孝乎鬼神惡衣服而致美
乎黻冕卑宮室而盡力乎溝洫此禹恭儉之
德飲食衣服宮室俱不以累其心而專力於
神民至誠而無間之實心實政也故不言利
而利及天下也洪範以五事敬五行以八政

制國用以三德養人才而本於皇極純於一心然則君心為萬事之主矣政莫大於理財用人能恭儉則不患其貧而民自足能求賢則猷為守者進而頗僻遠理財用人之本視乎君心之向背誠則天順而人信之不誠則天違而人疑之是故心者庶徵福極之樞機也

皇上求治若渴經國惟勤日日以堯舜禹之心法

誠求於宥密則太平可立致而天心協民氣
醇何願而不從哉天下萬世之福也臣朱珪
恭跋鈐印二臣珪

鑒藏寶璽寶笈三編石渠寶笈所藏



御書唐人菊花詩一冊

本幅金粟牋本，摺裝四幅，皆縱三寸五分，橫四寸八分。

御筆楷書

階蘭凝曙霜，岸菊照晨光。
露濃晞晚笑，風勁淺殘香。
細葉彫輕翠，圓花飛碎黃。
還將新歲色，復結後年芳。

唐太宗擢秀三秋晚，開芳十步中。
分黃俱笑日，含翠共搖風。
碎影涵流動

浮香隔岸通金翹徒可汎玉竿竟誰同

駱賓王

玉律三秋暮金精九日開榮舒洛媛浦香

泛野人杯蘿靡寒潭側丰茸曉岸隈黃花今

日晚無復白衣來

李嶠

離落歲云暮數枝聊

自芳雪裁纖蕊密金拆小苞香千載白衣酒

一生青女霜春叢莫輕薄彼此有行藏

羅隱

辛酉季秋下澣御筆鈐寶二嘉慶

鑒藏寶璽寶笈三編石渠寶笈所藏

御筆繼聲辰告 一冊

本幅金粟牋本 摺裝四幅皆縱三寸一分橫六寸

御筆楷書

鼠遁五技窮頑民非異種牛鬼倡白蓮接壤孽
潛動虎旅消衆兇擒殲去繁冗兔走倚老林隱
現互撞捫龍變資賢襄萬機共慶董謂軍機處行走大學士慶桂
董誥蛇行肆竄逃戾氣終迷魯馬隊競追奔

滅賊軍聲涌羊腸伏餘邪歸順復耽恐猴驚知
罪深碁布羅兵勇難竿赦難頒

考佑三省羣狗殛

苟文明

繼樊臬

樊人傑

肅清秦嶺聶豬

肩卜師貞喜音馳接踵

詠搜捕三省餘匪事

敬依

皇考效仇遠十二辰體詠金川事解悶原韻壬戌季

春月御筆鈐寶二嘉慶

鑒藏寶璽寶笈三編石渠寶笈所藏

御筆豳風時序歌 一冊

本幅紙本摺裝十四幅皆縱四寸七分橫一尺三寸二分

御筆楷書

豳風時序歌 后稷教民知稼穡敦崇節儉足衣食卜年七百創鴻基業勤事備垂法則載陳舊俗惟周公八章聯貫吟豳風終歲辛勤戒逸怠思艱圖易臻大同仲冬月即一之日有周建

子黃鐘律，感發風寒，遍嚴凝于路，為裘奉尊秩。
季冬栗烈，氣益寒，習武同民，倣晏安，寓戰于獵。
訓軍士，載績駿烈，咸桓桓，田車四牡，皆紛集私。
縱獻，研明等級，恰值水澤腹堅，時河水冰鑿取，沿
井邑。周家自后稷教民稼穡，先世處於幽地，能
守其教，以開王業。觀周公七月之詩，八章
所教，備陳幽先公教民周備，民奉上教，各自勸
勉，以勤事業，而田獵習戎，藏冰禦暑，亦廣述之。
以見禮教之勤，此古人時以作事，一歲中殆無
虛月也。其詩予於經，惟執業時，早經誦習，茲則
美餘循覽，意別有取，爰類其八章，所陳之事，於
十二月中，以成此什，而其餘日紀月則仍其稱。

蓋不欲愛其作詩之舊云其首章先言流火授衣即及一之日二之日載發東烈於時風氣皆寒故先舉以為戒一之日為周建子之正月即今十一月其事為子貉蓋取皮為裘以助女功而禦寒且以皮之溫厚者奉上二之日即今十二月其事為君臣及其民因習兵而俱出田獵兵事不可以空設因於田獵閑之并常年習之不忘繼續武功也而獲禽則私縱獻所以見上下之情各當也維時水澤腹日在北陸納凌陰堅使人取冰以待夏暑之用

亟修耒耜農事臨維孟之春力田始敦俗務本著訓深饋餉南畝紛舉趾耕作勤勞田畯喜朝覲出承達陽和羔韭薦新隆典祀春日遲遲欣

載陽倉庚林際調笙簧蠶月應候婦功居執筐

陌上求柔桑

三之日即今正月孟春也其事為納冰于凌陰凌陰冰室也爰云日

在北陸而藏冰。周禮凌人十二月斬冰即以其月納之。此言於三之日傳正義以燕土晚寒釋之于耜始修耒耜也。四之日即今二月其時民皆舉足耕。作于南畝而婦子奉食以餉耕者。田畯曰：「大夫主田事者，其來至見耕作之勤於農事而喜也。」維時日在西陸，朝覲而出冰，蓋陽氣出地，始溫，禮宜出冰，先薦寢廟，故獻羔薦韭，祭主寒之神而敬之以連陽和之氣。春日蠶月皆指建辰之月，即今三月。載陽遲遲，日長溫暄之意。倉庚一名離黃，黃鳥也。其鳴為可蠶之候。女功以蠶桑為重，故二篇中再敘其趨時采桑之勤。並言其所執之器所由之徑及柔桑條桑女

桑采法之不同以見
清和首夏景光澹平坂秀

萋如碧毯塘蜩夏響枝幹棲蚣蛸動股氣機感

壁中振羽潛莎難溫風溽暑驕陽低品彙成熟

樂滋育鬱莫同食時序稽四月即月令之孟夏也此下皆以月紀與

今同秀萋萋草也秀實也物成之最早者卷云夏小正四月王萋秀萋其是乎五月鳴蜩蟬蟬

蟬屬斯蠢動股斯蠢一名蚣蛸二物感氣而鳴動亦以紀候也六月莎難振則莎難爾雅釋蟲

云輟天難疏云一名莎難至是月成振訛而出也食鬱及莫正義曰鬱唐棣之類其實如李正

亦食之甜山谷平田皆有之莫傳曰萋也正日莫即莫李與鬱相類同時應說與言六月

大火西流炎熱捨伯勞鳴林蛰在野中締獻爪
考禮經露葵在菽載周雅嘉禾可穫占豐穰知
機蟋蟀鳴虛堂就蔓斷壺佐食品依林剥棗流
分芳豫蓄桂葦蠶事用蓄植山澤隨地種績麻
渲染為元黃練色為裳取貴重婦功已成值授
衣小蛰感候在戶扉采茶叔苴析樗木用無棄
物儉可希百穀既成集多祐萬寶豐收築場圃
清霜降原風戒寒隕穉飛蓬木葉舞蛰蟲牀下

深潛蹤穹室瑾戶以禦冬乘屋功畢執宮役晝

取宵作敢怠慵納禾滌場慶繁茂殺稻乘時釀

清酎躋堂依序禮不違敬舉兕觥介眉壽七月

謂大火西流也大火心星流下也為耕寒之候

鳴伯勞也月令仲夏鳴始鳴也地晚寒至是始

鳴從其鄉土之氣爾雅蟋蟀注云促蟬也時

在田野之中食瓜格物論曰瓜蒞也有數種皆

蔓生禮曰為天子削爪者副之巾以絺苴葵用

雅釋草云葵葵紫露注曰承露也葵詩大雅曰

藝之在菽葵曰在菽大豆菽類亦蕃日食之不

可少者此紀葵菽始食之候為七月耳八月其

事為獲禾傳正義曰月可獲者唯禾新壺壺

瓢也就葵新取食之禾棗棗當依林剝擊取之

桂葦皆蘆屬取為薄篠蓄為簾事之用載績績
麻也染練其色為元為黃而以前此蠶桑績麻皆
為公子裳貴者以奉所尊也前此蠶桑績麻皆
以為衣至此婦功已成九月可以授冬衣矣叔
苴叔拾也苴麻之有實者采茶茶取而乾之可
為菜糲惟堪為薪析之以為用也場圃同地場
即圃之中堅築以治所獲之穀肅霜清霜降而
收縮萬物十月隕穽木葉落也蟋蟀自在宇在
戶至此而入牀下大寒將至之候也穹室墜戶
塞其室之孔穴並塞北出之向荆竹所織之戶
以瑾塗之乘屋升屋以修治廬舍上入執宮功
謂在野之功畢入都邑之宅執宮中之事傳正
義曰晝爾子茅宵爾索綯即所執宮中之事也
禾稼已納之用倉則滌場為畢功矣以所獲之
和為春酒春酒是東時所釀清酒以助養眉
忠老人也民事至十月男女之功作以助養眉

足寒暑及時乃合朋酒以相饗升彼公堂序學
之上舉兕觥之爵飲樂而不違於禮於是民共
樂幽先公能世后稷之教紀月以日取義精陽
祝其得萬壽于無疆也

主生物陰主成春日蠶月文並載剛柔相濟四

序平。

其十二月之紀首一之日周正朔也至四

月以前皆生物之時月陰主成物四月以後皆
成物之時故以日月變文言之而辰月雷陰陽
之中不稱五之日以類前又不稱三月以類後
則改言春日並言蠶月日月五辰以包陰陽也
此箋疏正義諸家之說學詩曷敢云有獲偶讀
如此蓋亦頗具精義云

幽風懷往迹自天子至於庶人克勤克儉敬誠

積一日之中十二時逸則淫而勞則思王業艱

難守不易作歌自警安丕基民惟邦本本固邦

事之本周家以稽事闡基而卜世久長其德化

之入人深矣予深惟此意汲汲敬勤劬農重穀

者亦惟以保乂斯民為務故於民之暑雨祈寒

春耕秋斂旰食宵衣國度不營與斯民相咨詢於衡

茅賦畝間也即幾暇讀畫無非以政事相考鏡

況此七月之什為周公陳王業之詩溯其先世

舊風克勤克儉其風化尤尼尚焉予故析其事

類著為長歌既以戒逸習勞而即以思創業艱

難守成不易古今初無殊致也則此篇之作嘉

興元公勤修德教之意不亦有所發明乎

慶十二年歲次丁卯仲秋月御筆鈴寶二嘉慶

御筆正心正。

鑒藏寶璽寶笈三編石渠寶笈所藏



御筆生春生夏生秋生冬詩 一冊

本幅紙本摺裝二十六幅。每縱六寸四分，橫一尺一寸八分。

御筆楷書

御製生春生夏生秋生冬詩 生春二十首。用元微之韻。何處生春早。春生敷錫中。殿廷書福字。宇宙宅恩風。幹運仙毫迅。調和寶墨融。龍箋迎鳳律。遍布百僚叢。何處生春早。春生燈柱中。

毬輝凌皓月聯影扇休風疊綺金花漾重輪瑞
靄融迎年符七日營造役工叢何處生春早
春生佐歲中賀正方協序餞臘古遺風酬酢心
情洽昇平氣象融唐花相饋答壓擔瓦盆叢

何處生春早春生香鼎中燭宵新迓福煇歲昔
餘風柏葉揚芬遠松枝吐綵融結成萬壽字三
素透雲叢何處生春早春生雪象中欣看法
玉座漫逐不周風玉骨冰花結銀牙粉蕊融負

瓶雙表瑞，萸英煥華叢。何處生春早，春生冰
枝中。身輕來若箭，足健迅如風。練武精神奮，雷
恩心意融。八旗遍行賞，歡洽羽林叢。何處生
春早，春生春座中。土牛送寒氣，綵燕颺條風。京
尹威儀肅，芒神意態融。辨方占歲稔，五色燦攢
叢。何處生春早，春生歲軸中。迎祥期協律，順
序早宣風。桃板達嘉祉，椒屏祝誕融。詞臣拈吉
語，寶字挂楣叢。何處生春早，春生青管中。明

想敬開筆案字願從風貞固金甌永光輝玉燭
融祈豐元旦夜敷錫庶人叢何處生春早春
生布德中頒恩應韶律和令扇淳風鳳詔金閭
下龍樓曙景融綸音及閭里勿致簿書叢何
處生春早春生如意中拈題心祝稔鏤字筆生
風瑟彼清堅蘊溫其表裏融指揮隨座右相映
錦屏叢何處生春早春生畫燈中圖吟歲朝
景章達象臺風句寫新祺富幘敷妙繪融膽瓶

貯佳卉文石茁芝叢

何處生春早春生聯句

中賡歌法虞典言志本周風八疊驪珠貫三清

佳茗融重華歲成例延覽鳳池叢

何處生春

早春生梅萼中瓊蕤潔並雪雅馥淡含風低蔭

松釵密斜連竹籜融一枝報芳信嶺上萬株叢

何處生春早春生蔬圃中新英滴珠露嫩甲

拓和風七種挑青始五辛疊碧融盈盤獻初歲

佳馥漾叢叢

何處生春早春生粉荔中餐脂

非齧雪團絮不因風磊落流匙滑勻圓貯椀融
元宵名應節香溢橘柑叢何處生春早春生

火戲中燈懸映宵月烟直靜簷風震疊青陽啟
光明絳蠟融聯情沿例事澤布外藩叢何處

生春早春生擊壤中歌傳歡樂意鼓暢太平風
順則識知泯安常習俗融比閭業耕鑿蕃育子
孫叢何處生春早春生農事中力田應生氣

教稼厚民風律轉耕犁始雪消原隰融東臯初

舉趾祈稔社祠叢 何處生春早春生御柳中

三眠醒細雨萬縷舞柔風線織莎原遠絲牽水
沼融依依莫攀折轉瞬綠陰叢 生夏二十首

仍用元微之生春詩韻何處生夏早夏生日德
中栽培始東作昭育暢南風晝永臨星火時和
司祝融陳根含惠澤茂育展春叢 何處生夏
早夏生長養中潤田籲甘雨解慍待薰風北牖
颺延爽南訛景送融御園庶彙盛衆綠艷幽叢

何處生夏早夏生小滿中原莎珠綴露壠麥
浪連風物盛羣芳洽氣盈衆植融百花開已遍
燦綺鼠姑叢何處生夏早夏生曉殿中簷虛
牕有月簾靜院無風霞影依林絢曦光入戶融
披章咨政事三接九卿叢何處生夏早夏生
漏箭中銅壺滴清液玉妃扇澄風霄旭遲遲上
爐香細細融小年欣益永探討簡編叢何處
生夏早夏生梅雨中溟濛波疊沼羃歷柳搖風

潤物陳根沃。知時庶彙融。既霑復既足。決洽喜
連叢。何處生夏早。夏生櫻薦中。丹流幾枝露。
紅漾半林風。磊落一盤疊。勻圓百顆融。實成先
祀廟。爐飴飴芬叢。何處生夏早。夏生新竹中。
浮筠宜濯雨。勁節不驚風。筍茁新芽嫩。竿數密
葉融。猗猗瞻有斐。庶卉豈同叢。何處生夏早。
夏生綠墅中。輕茵青浥露。柔毯碧鋪風。滋決新
畬溥。膏連宿潤融。周原皆發育。奚用別榛叢。

何處生夏早夏生古寺中靜宜瞻法苑極樂振
宗風輝寂智珠朗影虛心鏡融碧雲鎮寶塔邪
穢蕩汙風何處生夏早夏生閱武中排鎗聲
震野連射騎追風振紀屏藩固推心智勇融八
旗選健銳營近翠崖叢何處生夏早夏生麥
壠中綠雲陰廣甸碧浪疊輕風含潤霑膏足迎
暄待日融告豐近芒種場院積千叢何處生
夏早夏生稻水中穎搖青浦影香滿碧畦風漠

漠輕鱗、疊層層細穀融。揚芬翻穰，粒粒新穉，待分
叢。何處生夏早，夏生布穀中。農忙趁甘雨，鳥
語送暄風。和谷音流逸，泥淤禾插融。文軒額多
稼，坐覽弄田叢。何處生夏早，夏生午泛中。輕
舸偶放棹，五兩漫乘風。義取同舟濟，心殷作楫
融。遙欣渡黃速，絡繹錦帆叢。何處生夏早，夏
生花謝中。杏桃燦繁錦，蘭蕙轉光風。映日千葩
舞，迎颺萬朵融。飛英始成實，莫漫感離叢。何

處生夏早。夏生柳絮中。飄搖散飛雪。蕩漾舞迴
風。高下溷茵判。浮沈地水融。化萍絢青沼。影印
綠楊叢。何處生夏早。夏生荇帶中。柔條青蘸
浪。長縷翠牽風。燕掠剪難斷。魚穿蒂欲融。清和
敷藻始。待伴芰荷叢。何處生夏早。夏生貢茗
中。芽煎玉泉水。香溢竹爐風。火活旗槍列。甌澄
魚蟹融。頭綱品清味。龍井雨前叢。何處生夏
早。夏生紗牖中。清延一庭爽。涼引四牕風。青接

苔階潤綠分蕉砌融虛明開廣廈簾綴細筠叢
生秋二十首再疊元微之生春詩韻何處生
秋早秋生仙館中林端綴玉露霄半轉商風四
野涼初送一庭暑漸融白藏方協律成實自依
叢何處生秋早秋生餘暑中炎消半輪扇爽
納一襟風土潤林鐘應金柔夷則融蘊蒸盛萋
尾綠潏葦塘叢何處生秋早秋生時雨中烟
凝滂沛澤雲逐去來風波益大川漲泥增廣陌

融深根全泱洽透潤遍羣叢 何處生秋早秋
生顚景中氣澄百里甸雲淨九霄風水映長天
朗潦收遠浦融沈寥空碧印出沐衆峯叢 何
處生秋早秋生梧井中十尋方浥露一葉已飄
風天籟清膏澍朝陽密蔭融喬柯待集鳳凡鳥
漫棲叢 何處生秋早秋生荷露中驪珠宵映
月翠蓋曉擎風心齒玉泉並清心嫩英融金人
仙掌蹟久委草萊叢 何處生秋早秋生七夕

中女牛傳道錄河漢靜靈風仙馭涼宵漸鵲橋
灝氣融香山述私語誰見內家叢何處生秋
早秋生鮮荔中數枝欣綴錦一騎鄒馳風香潤
雪肌細勻圓丹粒融清芬滿庭院待伴小山叢
何處生秋早秋生蘭室中秀莖迎皎日雅馥
送微風幽客神連屬國香志洽融素心同臭味
長坂細深叢何處生秋早秋生鮮砌中苔香
添夜雨花韻颺朝風青點燕泥細碧黏蝶粉融

閒階蛩和答唧唧透寒叢 何處生秋早秋生
蓼嶼中陰連綠楊渚爽拂白蘋風碧起晴波浩
紅搖夕照融江天真妙繪清景在縈叢 何處
生秋早秋生清簾中茗甌滴池露蕉扇引惟風
襟拂輕颼燕簾師明月吐玲瓏印澄影細漾碧
筠叢 何處生秋早秋生落葉中滿庭仍蔽景
幾片偶延風序轉寶華判氣旋寒暑融楓林待
舒艷錦幄燦霜叢 何處生秋早秋生桂魄中

宵懸大圓鏡霞漾寶輪風影印世間遍香飄雲
外融高寒孰可到攀折漫臨叢何處生秋早
秋生燈沼中光明極樂國蕩滌鐵圍風映渚千
枝燦浮波萬盞融迷津登寶筏超渡赤蓮叢

何處生秋早秋生蹕路中六龍朝肅駕萬騎曉
趨風大野塵全滌沙河潦已融銀牌沿陌賜欣
見耆農叢何處生秋早秋生行殿中高明延
爽籟樸素勝椒風述典習勤先去聲恤民孚惠融

環營羣拱列旌旆綴竿叢 何處生秋早秋生
村舍中時巡因肄武歲莅豈觀風瞻就叟童聚
趨迎笑語融原田禁蹂躪不覺屬車叢 何處
生秋早秋生紫塞中河山雖設險內外久同風
凌宇連城峙防邊古戍融大清聲教廣遠度玉
關叢 何處生秋早秋生樂歲中芬含瓜瓞實
香送黍禾風年稔倉箱滿時和暘雨融西成欣
有象萬寶待盈叢 生冬二十首仍用元微之

生春詩韻何處生冬早冬生寶帳中增年常益
算頒朔共承風四表奎光被億齡景祚融同文
奉時憲宣布越蠶叢何處生冬早冬生祀事
中立竿循故典執豕守家風逢福昭龐厚迎禧
著顯融坤寧分胙賜惠逮百花叢何處生冬
早冬生義策中一元旋玉律萬籟肅金風來復
機將轉暄和日正融小春敷庶彙霜樹錦成叢
何處生冬早冬生曉漏中雞人傳曙箭鴉隊

噪晨風待旦一燈朗趨朝萬炬融宵衣勤問政
恐致奏章叢何處生冬早冬生幽頌中稱觥
竹葉釀納稼菊花風田畝圃場淨潤餘地脈融
上旬開壽域章采衮衣叢何處生冬早冬生
慶節中儀陳金闕曙樂賜玉樓風百辟寅恭展
羣藩誠敬融庚辰花甲近漸遠少年叢何處
生冬早冬生宿麥中茁畦滋液雨覆壠漾涼風
淺浪連雲迴深根待雪融年康登晚稼培植物

宜叢。何處生冬早。冬生高原中。倉箱積嘉穀。
餅餌拂香風。層疊皆新實。充盈其樂融。田家真
快事。萬寶不分叢。何處生冬早。冬生蜡社中。
飢芬散列几。馥郁篆凝風。告稔孚懷暢。報功感
澤融。連村欣散福。斜照晚烟叢。何處生冬早。
冬生松嶺中。深根結地脈。高籟下天風。梳雪釵
痕秀。團霜蓋影融。歲寒知本性。蒼健異凡叢。
何處生冬早。冬生竹塢中。千竿含籜粉。萬个舞


筠風節慕簣。簣直神凝。淇澳融凌寒。益貞幹碧。
篠展芳叢。何處生冬早。冬生梅信中。影疎清。
映月香暗靜。隨風芳拓一枝。早期先六出。融瑤
臺消息。透佇伴水仙叢。何處生冬早。冬生小
雪中。瑤霽初集霰。瓊蕊細翻風。散宇隨雲淡。鋪
原見曉融。嘉徵兆三白。暢布六花叢。何處生
冬早。冬生茗椀中。半鐺調活火。兩腋起清風。漫
取露珠潔。待收雪液融。玉泉味甘淡。芳英摘陽

叢 何處生冬早冬生煖硯中從心池滴露運
晚筆揮風益覺紙光煥平添墨彩融文房免呵
凍暄洽席珍叢 何處生冬早冬生蜃牖中清
澄映愛日和暖避寒風朗徹簾櫳淨光連庭院
融臨牕置盆卉簷雀每窺叢 何處生冬早冬
生繡幕中非陳錦步障不設玉屏風複牖留香
久層裯印旭融下帷誦經史學植恐荒叢 何
處生冬早冬生餘課中克勤常習射言志豈吟

風肯使分陰度未臻舊學融寸田自培養文思
聲發新叢 何處生冬早冬生溫室中牕明愛

冬旭席煖坐春風硯聚龍賓潤爐圍獸炭融授
時漸感發繫念兆民叢 何處生冬早冬生部
屋中于茅趁圭竇堦戶障嚴風登庾農功畢賽
祠酒思融昇平欣順則話稔暢談叢 嘉慶十
有七年歲次壬申長夏幾餘消暑御筆鈐寶二
嘉慶御筆萬有同春

鑒藏寶璽寶笈三編石渠寶笈所藏嘉慶御筆之
寶茂對時育萬物



成親王書

御製傲怠詩一冊

本幅金牋本六對幅皆縱八寸二分橫四寸

一分楷書

御製傲怠詩並識

恭裁見

綺春園藏


款臣永理敬

書鈐印二臣永理

鑒藏寶璽

五璽全

寶笈三編



劉權之畫泰運宣韶 一冊

本幅絹本摺裝十二幅皆縱一尺一寸橫一尺七寸五分設色畫各有隸書標題一曙旭祥暉二卿雲糾縵三條風和扇四甘雨醲膏五麥畬綠潤六華塢紅酣七靈澤兆豐八澗泉溜暖九寶鐙集瑞十琛賁臚歡十一梅萼迎新十二松心承茂款臣劉權之恭繪鈐印二臣權之

御筆分題楷書

東海初昇燦曙霞青精紫軟挾光華麗天萬古
無私照焜燿寰區兆庶家重華協帝德惟馨
慶集卿云擁大廷自問何修能感召虔祈中外
普康寧木德勾芒律轉東青陽應候扇條風
時和氣暢舒羣彙橐籥吹噓造化功甘雨知
時降九霄溪崖決洽織烟綃滴青酣翠林嵐合
萬竹環廊潤景饒普霑春澤洽新畝綠遍鱗

滕麥穎舒生意覃敷時駘蕩天桃嫩柳燦鄉閭
紅酣萬樹隱長堤灼灼其華高復低夾岸沿
坡互照耀披圖心溯武陵溪粉緜烘林天竹
紅玉梅白雪色香融開窗坐對欣酬酢共話今
春又兆豐 嶽寄石峽碧摩天百疊飛流玉練
懸出谷汪洋波萬頃漪瀾暖溜注原田 節紀
元宵歲有常金蓮寶炬照迴廊光華五夜輝丹
禁影漾松釵綠蔭長 外藩賀歲集皇州航海

梯山達遠郵厚往薄來情浹洽懷柔孚惠受共
球南枝已報早春來暢發迎年綻玉梅照水
依崖開爛漫琪葩朱萼下瑤臺盤根岩壑閱
年深人世風霜永不侵木德鍾靈承茂蔭喬柯
常養歲寒心癸酉新春御題分鈐寶嘉慶重四妙
意寫清快一重雲霞思研露會心不遠一重德充符
一重幾暇怡情得佳趣

鑒藏寶璽

五重

寶笈三編嘉慶御覽之寶茂對時

育萬物



董誥畫十雨徵祥 一冊

本幅紙本，摺裝十幅，皆縱四尺五寸，橫九寸。水墨設色，相間畫。各有隸書標題：一茅齋賞雨，二小樓聽雨，三竹泉春雨，四春帆細雨，五野舍時雨，六岱雲霖雨，七新荷驟雨，八甫田甘雨，九瀟湘夜雨，十名亭喜雨。款臣董誥恭畫，鈐印二。臣誥。

御筆分題楷書

天降甘膏遍四郊，沾濡浹洽樂衡茅。
玉壺應買春光好，潤景全敷松竹巢。
浙瀝簷泉入夜聽，樓端爽氣透疎櫺。
最欣溪壑增佳致，紅杏酣滋滿谷馨。
夾溪叢竹添新潤，烟幕浮筠色淺深。
萬个簑簷夏春雨，恍聆空外鳳鸞音。
溟濛煙雨暗長堤，幾點輕帆望欲迷。
花濕柳酣嵐翠重，停撓只在若耶溪。
潤物無聲細散絲，芳春沐浴澤春知。
時耕資溉村農慰，預兆康年品彙滋。

出震岱宗造化鍾，盪胸雲起想從龍。不崇朝
遍雨天下，普洽蒸黎，渥澤濃。黑雲乍送雨滂
沱，水閣繁聲，戰綠荷。萬斛珠璣，翠盤漾珍逾合。
浦益田禾，甘雨優霑，及甫田。蕃滋百穀，澤敷
宣公私溥，濟生嘉植，農父歡聲徹陌阡。洞庭
飛雨度瀟湘，喚起歸舟客。夢長月黑，雲低衆響
作恍疑，帝子降仙鄉。東坡宰邑喜甘澍，亭以
雨名清興閒。予願九州協暄潤，變和六幕皆歡

顏癸亥端陽御題鈴寶二嘉慶

鑒藏寶璽

全五璽

寶笈三編嘉慶御覽之寶惟幾惟

康

董誥畫蓬壺集勝 一冊

本幅紙本，摺裝十幅，皆縱七寸四分，橫一尺四寸八分。設色畫：一、桃塢停橈；二、柳溪繫艇；三、山城疊翠；四、荷榭延清；五、柴關款友；六、雲浦飛帆；七、菊天秋霽；八、雲海霜濃；九、松巖蕭寺；十、梅嶺虛亭。款：臣董誥恭畫。鈐印二：臣誥。

御筆分題楷書

試問仙源路，橋西繫小船。
松坡蔭蒼翠，桃岸燦

紅鮮雲淨青崖遠風清碧浪連臨溪結茅屋佳
境得欣全四澤匯新水清波拍遠空梳青幾
株柳疊碧一溪風勝槩收遙渚生涯寄短篷江
鄉春正好思在若耶東沿溪排亂石崖角據
雄關翠接千重嶂青連萬疊山林端寺撲野橋
畔徑迴環想像天門景神馳尺幅間清和屈
初夏水榭集冲虛鼻識荷香遠心同蕉葉舒雙
松陰階密叢竹舞風徐點筆消凡俗悠然隱士

居 平橋通野渚。烟樹映微茫。水遠留雲白。山
高插漢蒼。林巒連曲岸。村舍轉崇岡。執手話農
事。逢年協雨暘。水天涵上下。極浦達滄溟。巨
浪飛雙鷁。危崖矗一亭。篷帆掛雲碧。草閣抱山
青。隔岸羣峯起。虛嵐印野汀。澄霽秋光迴。山
村近水湄。白雲渺北渚。黃菊滿東籬。霜重楓翻
錦。風輕波疊荷。迴溪通路約。路轉境偏奇。巖
岫騰雲海。全縈紫翠濃。霜天排萬笏。烟幔束千

峯不礙寺鐘響應迷樵子踪封中結佳氣為澤
定從龍披圖得佳境恍若至田盤蔥鬱松園
寺嶙峋石漱灘亭前迷遠浦峯外現遙巒層疊
深巖秀心清雲水寒萬壑梅齊放孤山景不
孤瓊甃疎影動粉萼暗香敷仙子下瑤闕春光
買玉壺硯池生造化妙繪彩毫鋪甲子人日御
題分鈴寶嘉慶御筆重會心不遠德充符澄觀
得佳趣叢雲怡神幾暇怡情比德朗潤中心止


水靜

鑒藏寶璽

全五璽

寶笈三編嘉慶御覽之寶茂對時

育萬物



董誥畫履端紀麗 一冊

本幅紙本。推蓬裝十幅。皆縱一尺一寸四分
橫一尺。設色畫山水。各有隸書標題。一萬國
朝正。二豐鄉賀歲。三農祥晨正。四迎氣東郊。
五雲開三素。六庭院嬰嬉。七屠蕪歡飲。八晴
溪解凍。九暖風挑菜。十慶節華燈。款臣董誥
恭畫。鈐印二。臣誥。

御筆分題楷書。

來朝尊正朔，重譯集梯航。久沐國恩浩，愧無德
化洋。充庭陳玉帛，詣闕會冠裳。垂拱勉圖治，懷
柔表敬履。富歲萬民樂，豐收百穀繁。論心聚
里巷，餉客足雞豚。送臘梅溪秀，迎春杏谷溫。山
川暢生意，堪噍普黎元。三陽應律啓，望氣陟
層臺。燦爛雲霞疊，繽紛卉木開。農祥方展拓，雪
澤厚栽培。脈土郊圻洽，覃敷品彙該。木德四
時始，迎春周禮詳。土牛沿俗古，綵燕繪圖芳。北

斗珠杓運東郊韶景昌慶生舒萬類天地大文章
玉虛開正始三素現元辰層疊九霄煥紛
紘五色彬峯腰俄變幻林角點輕勻兆協農功
美資生拓化鈞度歲樂豐足羣嬰庭際嬉鏡
開漾前浦鶴舞傍踈籬吉爆欣舒鬯春林遍渥
滋崢嶸養頭角成器壯年期瑞雪滿巖谷茅
檐喜氣敷千山積圭璧一室飲屠蘇餞臘傾佳
釀先春買玉壺團團歡既醉田美兆欣符氣

機應候轉暖旭漾晴溪凍解東風峭冰開細浪
漸波光浮渚嶼練影界玻璃漁父生涯至持綸
步大隄春布勾芒達生機息不停陽坡全圻
綠野老遍挑青潤洽溪邊圃滋舍雪後垌薦新
抽嫩甲細味菜根馨慶溢上元節歡騰不夜
城梅開新錦繡燈放大光明從俗還崇儉敷恩
本厚生授時資變理拈筆若天成嘉慶丙寅新
春御題分鈐寶嘉慶四重幾暇怡情二重得佳趣二重

會心不遠一重德充符一重

鑒莊寶璽

五璽全

寶笈三編嘉慶御覽之寶戊對時

育萬物



戴衢亨畫臘鼓八景 一冊

本幅紙本，摺裝八幅，皆縱六寸八分，橫一尺

一寸九分，設色畫山水，各有隸書標題。小註

畫意所本：一、幽蜡頌聲。

本周禮，僞章國祭蜡，則吹幽頌，擊土鼓，以

息老

二、依童戲舞。

本漢紀：歲除大儺，選依子十歲以上，十二歲以下，百二

物十人，赤幘，車衣，執鼓而行。

三、豐年却宴。

本荆楚歲時記：却民臘日，打細腰鼓。

而宴飲，誇云臘鼓鳴，春草生。

四、寒節土牛。

本漢書：臘月立土牛六頭於郡

縣城外，以送大寒。吳兆詩：土牛官鼓送。

五、曉獵霜威。

本宋史：太宗常以臘

日校獵謂侍從曰順時令也歐陽修詞
獵圍半合新霜裏霜重鼓聲寒不起
六宵

廳爆喜本武林舊事除夜贊燭奴盆紅映宵

七催花發響本羯鼓錄唐元宗愛羯鼓製曲名曰春光好常縱擊一曲

柳杏皆發楊維禎臘日
詩羯鼓今日迎春來
八上壽臚懽本四民

之明日獻椒酒於尊長謂之賀小歲
張耒詩酒醑辛年登簫鼓兒童集
款臣戴

衛亨恭畫鈴印二衛亨

御筆分題楷書

蜡祭邨農歲事成吹幽擊鼓太平聲年康物阜

安耆老古禮相沿後世行
山市歲除舉大儺
聯翩侏子舞婆娑雖於戲近從民俗戾沴全消
鼓太和樂歲連邨倉廩盈茅齋設宴暢羣情
細腰傳響知春近新綠陂塘冉冉生
山明松雪映城頭簫鼓喧闌出土牛寒氣送除迎暎律
昭蘇生意滿東疇
冬狩霜原策騎駸控弦不
覺沍寒侵上蘭雪獵景相似伐鼓揚威事異今
粃盆絳燭草堂陳達曙聒廳迎早春鼓叶太

平爆送喜歡盈比戶聚嘉賓
芳園新綠滿亭臺
花信風占第幾回
羯鼓宣和繁響徹
千葩萬卉喜全開
田功豐茂四時調
上壽躋堂欣頌椒
童叟臚歡賀小歲
燈輝鼓響慶年饒
庚午新正御題分鈐
寶嘉慶會心不遠
重德充符
一重澄觀
重內府珍秘
一幾暇怡情
重朗潤

鑒藏寶璽

五璽全

寶笈三編嘉慶御覽之寶執兩用

中

戴衢亨畫春鐙八景一冊

本幅紙本摺裝八幅皆縱六寸八分橫一尺

一寸八分設色畫各有隸書標題小楷書註

畫意所本一崑崙捷報

本宋史狄青宣撫廣西值上元大張燈宴

將佐一鼓青起數使人勞生客忽馳報曰三鼓時奪崑崙關大破賊矣

二慶商

奇觀

本羣芳譜開元中元夜上聞廣陵燈勝葉法師為虹橋步而上須臾已到廣陵

士民仰望曰仙人現於五色雲中

三九曲騰輝

本帝京景物畧正月望鄉

邨人以秫稻作棚周懸雜燈門徑詰曲藏三四里曰黃河九曲燈

四百花擁

樹本秦故事百花燈樹正月五茶肆星毬乾本

淳歲時記都城上元夜天街茶肆羅列燈毬

各戲范成大詩擲燭騰空穩堆瓊滾地輕

六竹棚月采本羣芳譜舊制放燈三夜錢王

起至十七滿城人戶以竹七綵山歡慶本東

棚跨街懸燈輝映月華

華錄元夕志以綵結山上點八塲夜清光本

燈數萬殘榜曰與民同樂

墨大全張誅帥蜀時增十三夜燈曰掛塲燈

謝宗可詩七層火樹雲生煖九曲神珠夜吐

御筆分題楷書

光款臣戴衢亨恭畫鈐印二臣衢亨

勝算運籌久在胸張筵元夕示從容三更喜報
嚴闕奪旗影燈輝耀衆峯元夜廣陵節物繁
燈宵仙幻紀開元虹橋天半彩雲護佳話姑存
非正論沿溪宛轉錦霞蒸彩煥碧汀九曲騰
波影燈光相蕩漾黃河安定兆清澄春盎韶
年麗始青銀葩火樹燦宮庭百花頃刻欣時發
霞蔚雲蒸煥列星放燈元夕樂同民不夜光
華百盞陳擲燭堆毬徹上下昇平景象帝都春

列肆連衢盡竹棚迴環曲折耀珠燈羣星燦
爛輝如晝捧現璿霄皓魄騰結綵峯巒紫綵

高太平燈事競奢豪誇多闢巧誠糜費寒夜書
窓欠寸膏塢苑輝騰不夜城閭浮普現大光

明層層寶炬勉精進照徹迷塗度衆生庚午新
正御題鈐寶二嘉慶分鈐寶漱潤重會心不遠


一重德充符一重幾暇怡情一重得佳趣一重

鑒藏寶璽

五璽

寶笈三編嘉慶御覽之寶執兩用

中。



阮元書

御製耕織圖詩并緯絲圖 二冊

本幅二冊每冊二十三對幅皆縱七寸七分
橫七寸三分左幅緯絲圖各有摹印標題上
冊耕圖一浸種二耕三耙耨四耖五碌碡六
布秧七初秧八淤蔭九拔秧十插秧十一一
耘十二二耘十三三耘十四灌溉十五收刈
十六登場十七持穗十八舂碓十九簸二十

簸揚二十一礮二十二入倉二十三祭神下
冊織圖一浴蠶二二眠三三眠四大起五捉
績六分箔七採桑八上簇九炙箔十下簇十
一擇繭十二窖繭十三練絲十四蠶蛾十五
祀謝十六緯十七織十八絡絲十九經二十
染色二十一攀花二十二剪帛二十三成衣

右幅隸書

御製耕織圖詩

前已
恭載

後幅恭跋

敬惟我

朝重熙累洽久安長治薄海內外男耕女織同享

太平之福

列聖勤求治理篤念民依

聖製耕織圖詩頒行天下以視古賢君豳風之繪無
逸之書更為親切明備我

皇上紹承

先志。

披繪抒吟得詩四十有六章。

勅交文穎館編入授時通考刊布頒行。

堯文舜冊。照耀黼黻。益徵美備矣。臣竊念浙之民。事在耕與織。而蠶絲之利在浙尤多。持是節者。敢不殫心竭慮。率其屬及其鄉閭父老。力為講求。以裕衣食之原乎。臣既雖誦。

天章敬宣

德意復授工按圖組絰每幅冠以


睿藻薰沐繕寫彙為二冊一函進備

幾暇覽焉嘉慶十四年三月浙江巡撫臣阮元拜
手稽首恭跋鈐印二臣元敬書

鑒藏寶璽

全五

寶笈三編



黃鉞書

御製敬詣靜明園

龍神廟謝雨仍用前韻詩一冊

〔本幅〕仿金粟牋本，摺裝八幅，皆縱八寸三分，橫八寸九分，楷書。

御製敬詣靜明園

龍神廟謝雨仍用前韻

應禱覃敷渥澍優，更欣朗霽宿雲收。寸衷誠感

天恩浩尺澤深蒙

神貺稠田潤可期百穀茂君難摠為兆民愁有如
時雨羣邪化兵戢年豐及此秋嘉慶辛酉夏五
月二十日御製

臣工恭和

靈澍

祈孚下尺優正欣高廩麥全收簾泉澎湃聲逾壯
畦蜀鋪茶綠更稠

昊貺洵微肅乂若民依猶切

旰宵愁

嘉稱虔答

神歆鑒洗甲遄聞不待秋臣董誥恭和鈴印二
臣董誥如願時霖徹夜優迎眸又快早霞
收

天心響答

誠呼吸民脈昭蘇

澤渥稠卧犢正看穠稂樂行杖應釋別離愁王
泉

靈氣噴珠慣怡解

宸衷念有秋臣朱珪恭和鈐印二臣珪 寅禱申
零下尺優昨

祈今

謝炷香收大田新長增禾怒高廩齊登打麥稠
誠應鼓桴如此捷賊方駭喙更何愁

王師六月天河挽，淨洗戈鋌定先秋。
臣彭元瑞恭和鈐印二臣元瑞，禹甸興歌既渥優。

名園謝降濕烟收，花迎

曉仗紅於染，稻拂芳畦綠正稠。
膏已舒甘農畷喜。

誠先應壽

盱宵愁

王師好報西南捷，時雨如斯不待秋。
臣周興岱恭

和鈐印二臣興岱敬書 夏雨希同春雨優

麥豐更祝黍禾收祥香甫達

靈淵鑒翌日均霑廣畝稠

帝澤九霄泉共溥

神功一霈暘何愁銷兵慰與

祈農並淨洗餘氛作好秋臣戴衢亨恭和鈐印二

臣戴衢亨恭和

聖心誠感

昊恩優應

念陰晴若放收，朗曜正資登。麥普甘霖即繼溉，禾
稠慶豐已兆農。胥樂消沴從知甲洗愁，戢武
先看馳捷奏。歲功連報及新秋，臣趙秉冲恭
和鈐印二。臣趙秉冲敬書 疆理南東總渥
優。黍苗已膏麥，祠收園花扶。

輦千巖潤，祠樹承雲萬葉稠。聽

命百神惟

眷德為農

聖世不知愁軍功合先田功歲載戢干戈賀立秋

臣黃鉞恭和奉

勅敬書鈐印二臣鉞

鑒藏寶璽

五璽全

寶笈三編嘉慶御覽之寶所寶惟

賢

黃鉞書

御製額勒登保德楞泰奏報三省底定詩一卷

本幅蠟箋本縱一尺橫三尺一寸楷書

御製詩

經畧額勒登保叅贊德楞泰奏報三省底定餘
孽全平詩誌感慰。戡定軍書去臘呈。又逾春
夏報全平。兆民復業衷差慰。八載籌戎事幸成

考佑於昭均沐澤

天心厭亂始休兵，毒痛赤子虞流患。盜弄潢池豈遠
征，穴倚南山賊屢竄。機遲西蜀將頻更，練團合
力歲功速。褒鄂抒忠晉爵榮，元氣未蘇益戒滿。
官常宜飭願持盈，稍酬

遺志倍兢業。安不忘危，永矢誠嘉慶癸亥七月既望。

御製鈐寶二嘉慶

後幅

皇子暨臣工恭和

奏凱書當令節呈籌幾

宵旰陝川平蒼生普荷

天心順寰宇還應

聖德成四海徵祥消草竊六軍倒載息精兵

朝綱每下

寬仁詔閭里常稀力役征庶類安和時早近山河
寧靜氣新更捷旌初報三秋喜良帥同封五
等榮

翠蓋年臨巡漠野嘉禾日至稔豐盈從茲共樂
無氛垢遐邇咸孚

睿慮誠子臣綿寧恭和鈴印二子臣綿寧 臘前
底定捷書呈越歲中元餘孽平密運

神樞承

考佑獨操魁柄仰

天成雲清棧道傳桐鼓日麗秦關徹衛兵負疆擔簦
歸土著依揚霏雪念宵征帑逾萬萬蠲仍賑

餽轉陳陳代且更。

大德好生欽

舊諭有功必

賞晉新榮鹿場早聽三登祝。蓮教茲嬰積貫盈億
載咸寧欣作頌。臣民歡戴

一人誠臣永璇恭和鈴印二臣璇
報呈餘氛至此豁清平
節值中元喜

君心仁與

天心合

子志勤將

考志成三省民蘇無逸孽萬方風洽不佳兵

廟謨獨定寧勞擾軍餉雖稽要緩征元氣必應由
漸復深謀惟是戒輕更項原方畧叅綜密頗
牧勲庸簡策榮

大賚昨冬欣戴

渥長篇今日

稟持盈園開同樂承

歡宴竊擬紓忱獻寸誠。臣永理恭和鈐印。二。臣理。
中元正值捷音呈。餘匪全銷奏太平。八日
飛章三省靖。萬方送喜

一人成閭閻共慶能安堵。黎庶從茲不識兵。自是
力耕應受福。儻教梗化必加征。

九重籌畫旰宵切。五夜勤求歲月更。已息烽烟民
解樂。盡除苞蘖木先榮。歡聲饒吹傳郊徧。愚

惻壺漿逐旅盈

大德曰生符

昊貺屢豐寰宇慰

皇誠臣綿恩恭和鈐印二臣恩喜值中元露布
呈肅清全箴共昇平弓刀橐載邀

靈鑒般賚賡吟頌武成禁暴詎同勤遠畧安良原不
事佳兵

旰宵八載勞

籌策貌虎雙甄獎力征但使法廉知競飭自安耕
鑿罔紛更

恩從天下頒重渥感比師中世及榮信是
聖謨能繼述况逢樂歲普寧盈猶殷

保泰思無逸經正民興本一誠臣董誥恭和鈐印
二臣董誥 蜀山八日捷書呈楚徵秦關盡
蕩平小蠹經年紆五夜中元佳節慶西成紅
陽掣電今歸馬赤子傾河竟洗兵

神武止戈先禁暴王師擇將利行征民勞亟用綏
豐屢士勇尤嘉恤踐更喜氣星雲正高朗休
徵草木亦蕃榮賡颺衆賴同宣豫

宵旰單心愈惕盈長此萬年無逸所

昊穹鑒德在惟誠臣朱珪恭和鈐印二臣珪 閭闔
晴開喜氣呈么臍掃盡慶昇平嚴明紀律

皇威播指示機宜

聖武成勦捕百千仍入網零星三五敢逃兵經霜

敗葉寧能久在釜遊魚尚待征劍壘早知邊
月靜虎牙今見戍樓更祇緣賞罰公而溥由
此恩施感且榮

大孝格

天如應響

至誠動物更持盈民登衽席須休養布化承宣各
竭誠臣劉權之恭和鈴印二臣權之 中元
送喜驛章呈楚蜀秦疆奏底平狼莠廓除嘉

植茂櫟槍盡息凱歌成村氓買犢烟生隴戰
馬歸閑雨洗兵

詔沛十行重布愷勲酬八載軫徂征早知伏莽無
留慝從此衡茅罷踐更助順

天心原默佑舍和

帝澤共敷榮歆裡岳瀆羣神秩

賞賚軍屯百室盈七字摘詞欽繼

志仰紓

望捷旰宵誠。臣戴衢亨恭和鈐印二戴衢亨恭和
六街雷動喜音呈三省餘氛一律平善繼
志惟善述

事遙求寧果遙觀成九秋氣肅金行令五日

鑾開彌治兵霏雪依楊矜久戍戈包甲衅快停
征面無蓮刺人同教手絕椿摸夜二更刳運
都銷

天右顧

先幾皆稟殿南榮安民總恃師能正飭吏還殷坎
不盈從此酬

恩全

望捷

躬承大寶

孝思誠臣彭元瑞恭和鈴印二臣瑞
象已呈應時風雨泰階平八年
吉兆先看

念為籌戎屋三省書來奏績成
黎庶未能輕避利

天心原不願興兵喜傳

北闕臣齊送詩詠東山

帝勞征蓮葉當秋根亦盡芳苗感化質全更同思

臘鼓叨

慈惠重飫華筵沐

寵榮從此萬方徵大順因之百室慶常盈人安歲

美何修得總在吾

皇睿慮誠臣英和恭和鈴印二臣和教寧三省

捷書呈慶洽寰瀛底蕩平

籌筆肝宵宸慮釋

握機方畧睿謀成霧收巫峽消除祲波息江沱戢
戍兵安堵良民欣復業來思凱士樂徂征結
旌期近

寫鑣啟偃革風從美俗更時若雨暘符大有世
躋仁壽遍敷榮咸歸

怙冒羣生福普錫休和喜氣盈

調幕共欽元化浹

皇衷純固一心誠臣趙秉冲恭和鈴印二臣趙秉
冲筆沾春雨卿雲五色日中呈飛報餘氛
剗被平豈有遺螭傲霜雪本無赤子外

生成功戡共識全憑

德事定彌徵不耀兵秦嶺藍關披宿霧岷山漢水
聽宵征雷霆威震旋看霽琴瑟弦和那用更
買犢買牛民業復載橐載戢士歸榮試觀暘

雨三時若已卜豐登百室盈佳節捷書剛送
喜惟

天眷佑

聖心誠臣黃鉞恭和奉

勅敬書鈐印二臣黃鉞

鑒藏寶璽

全五璽

寶笈三編

黃鉞書

皇次子等恭和

御製消夏八詠元韻 一冊

本幅仿金粟牋本。摺裝十八幅。皆縱四寸四分。橫八寸八分。楷書。

恭和

御製消夏八詠元韻 閱摺萬幾籌

睿慮乾健致中和。亮采真無闕。

披章每訂訛

丹毫凌曉下寰海沐

恩多。斐几延清爽。何來暑氣過。召見

當陽申異命。廢拜重明良。引對

情常洽。陳謨語許詳。終朝

勤納善。一德共謀臧。

禮下忘隆暑。天高境自涼。觀書幾暇崇經術。旁

通閱古書開編明得失。鑑往悟乘除。芸几香

氛度花磚日影徐高齋生爽氣順序

聖心舒。淪茗晝靜烹佳茗香生石鉢中松烟初

繚繞粟乳正沖融却暑宜臨水招涼不藉風
繪成修竹裏小燈法闕全披薰南榮開

舜日。

北闕度虞薰蓮馥隨時遞蟬聲是處聞穿池生
細縠拂樹散清芬願送甘霖潤滂沱洗楚氛
對雨夏令行時雨

皇仁德合

天田禾舍碧靄園木散青烟水面平鋪練岩間曲瀉
泉

聖心殷稼穡感召錫康年 舟中

鳳沼涵空碧凌風泛

御舟渾同天上座恍在鏡中游靜籟聞松壑幽芳
繞竹洲一篙新漲足境似五湖秋 池上尋
涼憑水檻陡覺赫炎消曲岸蒼苔密平林翠

靄標乍看陰雨至。徐喜好風飄。即景賡

宸藻。還當月朗宵。子臣綿寧。鈐印二子臣綿寧

閱摺凌晨封事上

丹筆露濡和金鏡。昭澄叙珠囊。辨作訛法由

明克允。

恩以溥斯多。

肝食勤批答。陰猶惜寸過。召見邇英沿故事。

門闢引賢良。

虛受天恒霽敷陳論孰詳詢惟期益廣用不廢謀
臧掄對日移晷微生殿角涼觀書文思勤
典學敦好在詩書鑒古資陶鑄研幾慎滌除
芸霏鑪篆細簾隱漏聲徐孔思周情契

淵懷自卷舒淪茗活火新泉試封題自越中碧
香凝未歇彤暑滌全融淪比浮浮雪

吟生習習風作圖傳藝苑妙手問闕仝披薰揮

弦

殷解阜地迴稱延薰涼意萍汀襲清聲竹徑聞曳
杖傳遠韻臨水遞餘芬庶草從風偃遙看淨
掃氛對雨潁號應候起澹沲四垂天下尺
足平野升輪散曉烟桔槔閒置井琴筑靜鳴
泉

念總民依切欣書大有年舟中靈沼恢靈囿澄
鮮放好舟宛如天上坐不礙鏡中游行帶牽
芳嶼萍花映錦洲

仙毫元化幹爽氣儼涵秋
池上斜照空明裏煩
歌徙倚消魚噉知

樂意鷗狎見清標不待冰匳印時瞻

芝蓋飄民情盃水喻

問每塵晨宵臣董誥鈴印二臣誥
閑摺清明開
風氣倍覺見精和如水衡斯澈非烟鏡不訛
折衷惟握要

執兩自該多無我知言妙青空萬象過
召見

殿陛勤敷納，人思效顯良。
薰風跪衽襲，初照咫尺暉。
暉詳懸鑒，誰逃影。因材自取臧。

求民咨暑雨，何地更招涼。
觀書成憲

益於古，多聞觀在書。
日長午晷靜，心洗酉編除。
孰解披文富，新知得意徐。

聖希焉不學，況對景悠舒。
淪茗品冰水，玉泉近煎

茶。蓮漏中何須淪冰雪，
不覺失炎融。鉢石霏
花雨，爐烟漾竹風。
蓬山真在處，下界漫嘲公。

披薰火庚當溽暑解阜散時薰有起穿葩
葉無聲靜觀聞自天隨長養因地振芳芬

虞舜揮弦意千階早靖氛對雨曰雨曰暘若油
雲忽翳天密看如散縠遠看久凝烟禾隴青
肥稼蓮塘錦漲泉勤徵

宵旰切茂對自今年舟中液池通

禁樂彩鷁

御輕舟自愜壺天賞真同鏡海游觀瀾沿遠嶼拾

月印芳洲。經涉耕畬處。谷農慶有秋。池上
曲池濠濮意。不夏更何消。况適晚生籟。迴看
峯影標火流。將熒熒雲起。致飄飄淨洗明河。

甲

天心慰旦宵。臣朱珪鈴印二臣珪。閣摺
勤政心逾靜。

臨軒暑亦和。批章隨遠近。度務辨貞訛。共仰
權衡當全憑。

指示多。花間傳玉漏。幾聽逐風過。

名見隨班常

晝接出入愧賢良。

光霽俱曾近。芻蕘不厭詳。有誰金鑑獻都奉。

玉音臧。

聖照原清澈。

心空更覺涼。觀書晝永惟朱夏。偏宜玉宇書趣。

從

幾暇得暑向卷中除興寄牙籤富風來。

殿閣徐

經綸成憲合。化日樂長舒。
淪茗何物能消暑。茶
鐺午陰中。碧螺浮腳細。
白乳沸花融。火活泉
鳴玉。煙濃鶴避風。竹爐添韻事。圖繪付闕全
披薰

虞帝揮弦罷。襟披習習薰。
入簾潛送爽。拂樹靜無
聞。已透香羅雪。還縈

玉殿芬。金風飄轉瞬。落葉掃餘氛。
對雨南詔

資長養霈澤普諸天
潑墨雲遮岫拖藍水漾
烟潤含千畝碧響徹百重泉
暑退晴旋放知書大有年
舟中萬頃湖光迴微波泛

御舟恍如天上坐真似鏡中
游棹過荷翻浦風生水拍洲
西山濃翠近不雨亦成秋
池上近水涼生早臨池暑易
消初升滄海月不畏赤城標
隱隱星光動團團扇影飄澄
清

望還師鐘漏遞催宵
臣劉權之鈐印二臣權之

閱摺

黼座親披覽。

綸言蘊太和。囊封晨乍啟。刻漏晝無訛。玉版熹光透。

丹毫湛澤多。

萬幾陰惜寸。松楸早涼過。召見重門方洞啟。

一德頌明良。輪對羣情洽。

疇咨庶政詳。鏡烟因物付。孟水定謀臧。詎數唐賢

事。賡題殿閣涼。觀書小年欣晝永。

香案靜觀書。花氣含絳帙。槐陰轉玉除。一編文字

古。四座篆烟徐。

學海淵源會。

澄懷萬象舒。淪茗貢數頭。綱至烹宜。几夏中竹

鑪安貼妥。花乳旋沖融。點點荷間露。颼颼松

際風。

幾餘探茗事。興軼玉川全。披薰

仙臺饒勝概樓閣迴延薰穆若含清吹冷然暢
遠聞林虛宜納爽花近恰揚芬陰暘

皇心普揮弦滌暑氛對雨時霖剛志喜尺澤竟
敷天積潤連峯黛排空挾渚烟林亭張活畫
檐溜瀉鳴泉茂對

宸襟愜康哉兆有年舟中

御園無點暑天上引僊舟一葦空明泛三山浩渺
游冰區開曲沼桂楫漾芳洲勝賞資

吟眺真成六月秋。池上夏氣蘭池靜。能令意也
消。樓臺涵倒影。泉石助清標。月上冰輪印。風
來霧縠飄。夜游嗤秉燭。

心鏡朗澄宵。臣戴衢亨鈐印二。臣戴衢亨恭和。

閑摺萬方咸在宥

勤乃致安和。吏治釐絲障。民情適寢訛。熟因窮理
透明為閱人多。封事朝來夥。

彤墀暑影過。召見曉開青瑣闥。出入引賢良。

豈有涓埃益惟聞

訓迪詳

陶鈞器不窳

駕馭馬斯臧第一毋言利

心虞作法良觀書學與儒生異多聞在讀書誠

心求遠近天理悟乘除鑑古千秋獲回甘三

味徐生涼宜挾冊

山館更清舒淪茗莫詡旗槍美銷鎔一器中

甘應隨火活，冷不藉冰融。
荷酌三霄露，松翻萬籟風。
哦詩問蘇軾，讀畫展關仝。
披薰殿角微涼動，香傳寶鴨薰。
庶人雌不競，酷吏去曾聞。
併作水雲氣，都來草樹芬。
憑風風雨雨，掃曠淨餘氛。
對雨擢穎梁，排霧鋪茶蔴。
際天綠生一夜雨，翠重萬家烟。
餘潤三三徑，新波九九泉。

靈潭

親禱再自

帝錫康年舟中

蓬島瑤臺海。平安月鏡舟。三篙隨雨足。一櫂與
天游。紅蓼遮前岸。青蘋度遠洲。不知方大暑。
三候早初秋。池上暑逐驕陽退。天心驗息
消。池空生夜氣。石古矗清標。無逸朝至是。有
卷風自飄。雖諧

仁知樂總是

敬勤宵、臣彭元瑞、鈐印二臣瑞 閱摺

夏殿晨披讀焚香

御太和、辛勤批不懈、亥正其訛、明鏡寧疲照嘉
謨、不厭多萬言、看頃刻、豈止十行過 召見
獨對來溫室

熙朝制最良、色皆如、蹶躅語恐未精詳、建白臣
何有輸丹

聖允減身親蓬島、境六月亦清涼 觀書帝學非

儒術中天有治書。古今殊俗習利弊。在興除
聖道行無盡。王猷效最徐。開函忘溽暑。稽古
睿懷舒。淪茗一盞香生頰。偏宜盛暑中。試將火
候辨。常及日光融。天上攜團月。爐邊扇好風。
品常閒玩古。名蹟賞關仝。披薰能解吾民
愠。千秋仰舜薰。只緣逢

聖主真覺軼前聞。竹院晴無暑。花畦晚送芬。揮弦
當五日。萬里淨塵氛。對雨好。雨微時。若

精誠上格

天濕雲翻重墨遠樹聚涼烟卷幔閒憑几開流好納
泉喜聞農父諺大有是今年舟中畫漿輕
搖處

堯心取喻舟偶諧川上趣閒試

鏡中游烟水疑無岸菰蒲別有洲涼颼起蘋末
披豁當清秋池上宿雨陂塘滿堤邊漲未
消新荷翻日彩貼水見風標面面諸峯印遙

遙一葉飄待看涼月上納爽坐深宵臣英和
鈐印二臣和閱摺向晨

勤政御庶事布惟和進止

裁批答敷陳析正訛暑從求治忘

仁每錫恩多封匭傳宣下觚棱影未過召見駕

班輪

賜對喚仗集賢良

虛已疇咨切

優容牖迪詳拜揚期志恪靖獻勵心臧

溫霽宣綸久移時未就涼觀書治法探原本

幾閒尚讀書牙籤陳卷帙圭影度庭除興衍

淵微闡精深翫味徐縹緗霏靜馥長日小年舒

淪茗品軼頭綱重偕來方物中漫云團月貴

應比密雲融水驗瓶笙沸烟縈石鉞風

拈吟清露滴沆瀣味應全披薰惜惜琴德合習

習送時薰輕拂雲峯幻徐過簫籟聞歲功資

發育土物綻芳芬

調幕休徵協潛消暘暑氛。對雨多稼占秋稔優
霑驗伏天螺峯青合樹繡壤綠含烟。

廣殿銀垂竹迴湍玉夏泉

宸襟欣茂對育物錫康年。舟中鼓枻延

清賞涼生檜揖舟自深民水鑑非趁月波游幽眇

嗤星渚荒唐闢祖洲

睿懷真不繫

詩律爽如秋 池上芳沼彌澄澈瑩疑一鏡消開
匝風縠皺滑笏榜題標曲榭虛簷構疎林靜
籟飄

聖懷勤至理

行健協晨宵臣趙秉冲鈐印二臣秉冲敬書 閱

招雞人剛詔旦

鳳蓋已延和事必窮燕說書時

宥馬訛

疇咨羣吏切。

渙汗渥恩多。濡染

丹毫速。矐矐日未過。

召見雙隻看輪對。傳宣進

厥良。

優容寬禮數。敷奏自安詳。悃悃風還古。訐謨

聖所臧。沾衣留李絳。忘却北牕涼。觀書

萬幾猶不息。

視事復觀書。既得精微蘊。無煩糟粕除。篆烟縈幌

上日影度階徐散帙

天懷暢卿雲妙卷舒
淪茗不必君謨貢精修北
苑中甌香茶色白

詩就墨光濃沉瀝承荷露清涼引竹風雲腴
天上好蟻蝨笑臣仝披薰陋彼當襟快來延解
慍薰笙竽空際奏

殿閣靜中聞隔浦荷翻翠過畦稻送芬

闕心更征士歸馬逐炎氛對雨凍雨挾雲上迷

漫條滿天來徐風醖勢灑急樹生烟黍稌遮
村屋金絲咽石泉雲山雖可畫難畫是豐年
舟中綠淨渾如鏡

幾閒偶泛舟何妨於水鑑不是愛

宸游樓殿參差影蒹葭遠近洲雨餘風皺月涼意
欲支秋池上靈沼漲新碧餘霞綺欲消游
魚知樂意宿鷺振風標山黛濃如抹蓮衣飲
未飄即茲徵海鏡

坐對慰涼宵。臣黃鉞恭和奉

勅敬書。鈐印二臣黃鉞。

鑒藏寶璽

五璽全

寶笈三編

黃鉞畫春臺熙皞一冊

本幅紙本摺裝十六幅皆縱九寸橫一尺八
分設色畫四時景物各有楷書標題一芳村
賀歲二綺陌迎春三皓月燈街四白雲仙觀
五曉市花聲六春郊社鼓七彩線風鳶八靈
祠福豆九江渡招龍十御河浴象十一稻隴
香風十二棗林紅雨十三霜花秋藕十四玉
粒冬藏十五土鉗酬神十六山珍饋歲款臣

黃錢恭繪鈐印二臣鉞

御筆分題楷書

迎年普慶戶盈寧饋歲友朋遍院庭吉爆祀神
迓三始郊原已覺柳條青歲出土牛早送寒
東郊迎氣屬春官熙朝典故從民俗儀仗紛陳
擁道看世際承平慶上元六街燈市列千門
輝連皓魄騰光彩不夜城中樂事繁白雲觀
建帝城西燕九遨遊舊俗稽漫訪長春求道錄

飲和食德覺羣迷。燦綺唐花滿擔春。瓦盆培植艷芳新。一聲喚醒香閨夢。曉鏡開奩飾鬢勻。舉趾芳郊春仲時。祈豐簫鼓賽叢祠。老翁策杖步隄上。屢荷康年田祖慈。習習和風勢不豪。放鳶童子戲平臯。常留餘線憑操縱。盡興難收雲路高。清和八日誕金仙。福豆盈盤普結緣。億萬衆生彌震旦。幾人悟徹性中天。天中令節弔孤忠。破浪龍舟互逞雄。競渡江心沿習

俗綵旗畫鷁趁薰風 滇南貢象備儀衛三伏
司時景赫炎洗浴御河循例事趁涼緩涉態安
恬 平疇嘉稻捲朝涼柳陌風來穰粒香刈獲
耘鋤各應候西成萬寶遍登場 仲秋剝棗紀
幽風佳實初成樹陰融歡洽兒童共攀折一林
紅雨漾晴空 卉譜生涯盛晚秋霜英絢綺冷
香幽植栽瓦缶團黃蕊更有羣芳壓擔稠 春
種夏耘秋始成冬藏倉庾喜如京深懷農力殫

辛苦惟願屢豐百室盈。滌場事畢繼于茅村。

老酬神列野穀。吉爆連聲迓景福。烟騰土銚拂。

林梢。羣藩覲謁貢山珍。每歲虔抒芹曝忱都。

會士民饋鄰里昇平景象樂惜惜壬申除日御。

題分鈐寶嘉慶御筆萬有同春一重會心不遠二重

德充符二重嘉慶三契妙一重幾暇怡情一重得佳趣

一重澄觀怡神。

鑒藏寶璽五重寶笈三編嘉慶御覽之寶茂對時

育萬物

馮寧畫撫序延清一冊

本幅紙本，摺裝八幅，皆縱四寸五分，橫八寸七分，設色畫。

御製消夏八詠詩景款，臣馮寧恭畫，鈐印二。臣寧御筆分題楷書。

晨起開章奏，曉庭夏氣和。萬幾慮叢勝，一字慎差訛。靜養寸田澹，徐籌庶事多。敬勤遵

考訓，晷刻肯徒過。前席延清尹，欽承

家法良有容言乃盡無隱事斯詳察理分誠偽虛心
辨否臧久談忘溽暑廣廈靜生涼勅幾原少
暇得暇卽看書識廣編全載心清暑自除窗前
濃蔭合簾外午薰徐探討聖賢旨民安君慮舒
芳茗貢西浙品嘗竹鼎中旗槍芽細膩魚鱗
眼和融緩煮半鎔水徐來兩腋風一甌暑全解
七椀笑盧仝高明居永夏敞豁納南薰解愠
琴徽合披襟松籟聞博山篆香篆遠浦送荷芬

願以淳風布。異中息孽氛。
夏雨生衆植。甘膏降自

天。滂沱添潤溜。幕歷繪林烟。
極浦翻輕漲。聞階沸急泉。
頽令煩暑滌。嘉兆應豐年。
御湖波浩渺。試泛木蘭舟。
愛此澄明境。欣成汗漫遊。
錦鱗戲萍藻。白鷺下汀洲。
鼓棹生新爽。陂塘夏似秋。
晚坐石池上。招涼暑盡消。
東林懸月鏡。西嶺建霞標。
蛩語空階答。蟬聲密蔭飄。
平安猶未報。問夜

凜衣宵癸亥孟秋七日御筆鈐寶二會心不遠
德充符

鑒藏寶璽

金五璽

寶笈三編

院畫天閑八駿一冊

本幅八對幅皆縱七寸六分橫九寸三分右
絹本設色畫馬各有清文蒙古字標題左紙
本首二幅

御筆楷書贊

平安驕贊

身長六尺五寸
高四尺六寸

新疆二萬永沐生成

歲貢良馬天閑充盈西徠有驕上應星精騰驥
安吉獨冠羣英雙耳峻峙四蹏捷輕亞乘興走

如御風行雲錦燦爛健骨雄鳴稱德勝力王道

蕩平嘉慶辛未冬日御筆

慶雲驕

身長六尺八寸高四

尺六寸天馬西來慶雲呈瑞良驕超羣才全德備

五花滿身雙蹏玉粹坦蕩蹕途從容攬轡造極

登峯如履平地健足乘風輕塵不積大宛儲英

名冠上駟巡狩襄儀連錢騏驎嘉慶癸酉秋日

御筆分鈐寶嘉慶御筆寓意于物嘉慶後六

幅臣工恭贊

超閑驕

身長六尺七寸高四尺九寸

八駿

之四。

賜號超閑銅聲海色尾鬣含黥綴花蹴燕幕潤騰

山木蘭即鹿

喜霽天顏踰輪懸光詎若是班萬匹在下斯伏斯
跼

恩深芻秣力不辭艱馳驅永効樂園般般臣桂芳

恭贊鈐印二臣桂芳印朝朝染翰良玉驄

身長六尺六寸
高四尺五寸

渥洼瑞孕房駟芒垂是生逸

駿式彰瓌奇溫瑜比德素璧侔姿天殿既陳
日御爰施纖埃不動迅若颺馳吉行孔安

皇心載怡。

錫名良玉允矣如之凡馬皆空作匹伊誰臣姚文

田恭贊鈴印二臣姚文田文學侍從安吉

黃

身長六尺五寸
高四尺八寸

雲華燦錦玉采鏤霜貺精

太乙稟異飛黃服閑

日御沛艾騰驤既安且吉歷試名揚權奇外峙倣

儻中藏勿矜趨迅厥德有常

恩榮錫號馳策孔長驥不稱力無數斯臧臣盧陰

溥恭贊鈴印二臣盧陰溥敬書寶華驢身長

六尺五寸高鑄鐵為骨團雲作毛風馳電發

四尺五寸氣逸而豪來從西極相自樂臯服我

天阜儷彼蒲梢噴玉匪寶翦花乃髦侔色揣稱瓊

葩在梢嘉名肇

錫歡騰於槽小臣獻贊慶馬之遭臣黃鉞恭贊鈴

印二臣鉞

安駿黃

身長六尺七寸
高四尺六寸

天馬西

徠飛黃服阜深穩其神權奇其表從

狩木蘭長林豐草貫矢奔霞左旋右繞山立川行

弗驚弗擾篤況龍媒騰驤

羽葆精志超凡羣中矯矯賚予榮名惟德是寶

臣盧蔭溥恭贊鈴印二臣蔭溥

履安驄

身長

六尺五寸
四尺七寸

青驄天驥視履咸端鏡分瞳炯

麤印蹕團龍髻鳳臆玉勒金鞍馴如調鶴行

若騫鸞嘶風逐電應節和鑾

聖人策馭惟恬惟安褒之月駟恭以星闌嘉名

錫予神駿榮觀臣果齊斯歡恭贊鈐印二臣果齊


斯歡

鑒藏寶璽

五璽全

寶笈三編嘉慶御覽之寶茂對時

育萬物



院畫馬一冊

本幅八對幅。皆縱七寸八分。橫九寸二分。右
絹本。設色畫馬。各有清文蒙古字標題。左紙
本。臣工恭贊一安順驄。身長六尺五寸五分。高四尺五寸。天
驥維驄。西陲珍進。厚德應坤。殊姿稟震。行地
徵安。呈材協順。沛艾斯臧。權奇彌慎。越影超
光。遜茲神駿。丙御承

恩辰閑選。雋義合綏。柔功兼履。信闔闔圖開。

錫名允稱臣董誥恭贊鈐印二臣誥敬書 二安

俊黃

身長六尺七寸五分

高貺精太乙厥生乘黃

徠琛月嶠驤首

天閭材呈安佶德惟俊良

帝用纘武威弧挽強弦抨霹靂策振風霜龍堆蹀躞鳳臆昂藏鍊金寫色歆玉形相得邀

旌賞雄姿益彰臣趙秉冲恭贊鈐印二臣秉冲朝

朝染翰

三良吉騶

身長六尺七寸五分

驊

騮貞吉。貢自朔方地。德符月星精。降房黃金
驤。裏天骨開張。

聖人榮馭。如龍斯翔。草肥秋塞。鹿挺崇岡。應弦隨
控。大武維揚。追風逐電。吐圖騰光。呈材

上駟。允稱調良。臣果齊斯歡。恭贊鈴印。二臣果
齊斯歡。四慶吉。騮身長七尺四寸高房精霄朗。

天阜晨開。慶雲遙覆。吉量飛來。許脫投脇。虎脊
龍媒。千里曰驥。七尺為徠。沫歆珠玉。踔逐風

雷蹴花散錦踏雪成杯

帝心妙簡西極呈材吉行五十康衢春臺臣黃鉞

恭贊鈐印一臣鉞之印

五安端驄

身長六尺九寸

高五尺一寸

房精騰曜靈產鍾蟠玉驄蹀躞軼騶

駕驢賁貢蔚選

天閑鏘鑾蹄趨雲聳髮妝花團德稱馴習蹴蹋

平端堯圖軒阜匪曰飾觀伏開誅蕩秣供糾

桓

六飛時御萬方乂安臣萬承風恭贊鈴印二臣萬
承風敬書 六安翔騶身長六尺三寸高四尺五寸五分風
馳紫燕雲鬃飛黃雄姿倣儻如翼斯翔逸倫
有騎來貢新疆木蘭秋獮

御轡龍驤

天弧疊中若履康莊翩翾合度進止安常

錫名表異撰德惟良臣盧蔭溥恭贊鈴印二臣盧

蔭溥敬書

七吉雲騶

身長六尺八寸高四尺七寸

神駿

呈材騰驤超逸五花燦文大宛効質樹骨附
筋飛慶煥霽所向無前與心合一瑞應榮光
歌傳司律紫燕追風綠蛇候日共備

天閑為世間出於萬斯年動罔不吉臣英和恭

贊鈴印二臣和

八雲錦驄

身長六尺五寸
高四尺六寸

有馬荏鐵六尺以長如碎錦簇如飛雲翔

聖人乘之深穩吉康嘉名一

錫凡馬莫當臣職司牧畧辨驪黃請以馬喻良率

不良。泛駕是策。千里騰驤。六轡在手。何用不
臧。臣桂芳恭贊鈐印二。臣桂芳印。朝朝染翰
鑒藏寶璽。五璽全寶笈三編。嘉慶御覽之寶。茂對時
育萬物。

[illegible]